

國朝先正事略

國朝先正事略卷五十八 孝義

平江李元度次青纂

黃孝子事略

孝子名洪元。江蘇丹陽人。父國相。以武斷豪於里中。有虞庠者。好持吏短長。夤緣告訐。與國相同里。不相能。遂發國相陰事。欲致之罪。國相行賄得不坐。庠反以誣受杖。乃僞引謝。具酒食交懽。而私遣惡少年。謂國相。會國相被酒夜行。從其後。捽項反接之。負以石。沈諸河。里人皆心知庠所爲也。莫敢問。時孝子與弟某皆幼。其後稍長。頗聞之。乃哭告母曰。殺吾父者。虞庠也。母急掩其口曰。勿妄言。禍及矣。孝子每號慟。母輒呵禁之。於是中夜

飲泣至旦。且樵床曰：死耳。母亦泣曰：汝父未葬，我老矣，俟我死，則聽汝。孝子始受命。兄弟共適市，數市利斧，藏之。庠頗自疑，更
好言慰孝子曰：孺子未婚，吾所汝。孝子陽謝曰：公我丈人行也，
得爲公壻，幸甚。退而切齒曰：賊奴欲以而女易吾父耶？久之，母
死，既合葬，兄弟哭拜墓上曰：兒飲血含憤十年矣，今日願與父
母訣。遂懷斧往來。迹庠未得聞。吳俗春社必陳優戲，里人觀者
環集。初國相亦以社時，極酒遇害。至是，又直社。孝子見庠在社，
所馳歸呼其弟，各挾斧往殺庠。庠方上坐，觀優，意甚自適也。孝
子直入肩擠之，字謂庠曰：逸羣，我送汝死。庠起笑曰：孺子醉耶？
乃嘆曰：咎曰將醉汝，血援斧砍庠，應手仆。眾驚，二子橫斧揮眾。

大呼曰。去。去。毋嘗我刃也。皆卻立。不敢動。兩斧並下。庠遂死。於是四顧拱手。謝曰。某無禮。倉猝乃驚。父老復兄弟。挾斧緩步出。翌日。詣縣自陳狀。有司義之。免其弟。頌繫孝子於獄。康熙十一年四月某日也。後一年上官竟脫孝子罪云。

盧孝子事略

浙之東有盧孝子焉。名必陞。字案臣。號玉茗。世居山陰。祖名極。生子五。長芳。字南江。孝子本生父也。次茂。字懷江。無子。以孝子嗣。孝子始生時。祖母張病甚。本生母朱氏禱天求代。是夕夢神益算。并賜以孫。及覺而生孝子。少時知孝敬。有異敏。九歲南江病。思得蟪蛄多。孝子潛攜一筐。採諸沙口。爲風潮所沒。得漁者救。以竹筏筐。終不釋手。而蟪蛄滿其中。甲申之難。流賊未殄。懷江負俠氣。嘗仗劍獨行。不知所往。孝子奔覓諸暨山中。晝循林箐。隱夜則崎嶇匍匐而行。失道投僻路。伏屍枕藉。驚蹶疾奔。兩足爲沙石所嚙。血縷縷漬地。行跡皆赤。遇一僧憐之。挾與俱。遇

虎匿高樹大呼山神救我虎竟去閱數月得奉父以歸王子土
寇竊發懷江陷賊營孝子匍匐探其穴竄以金不應繞岸哭三
晝夜不絕聲賊感動爲引至父前時賊首欲得懷江降脅以刃
不從斬所俘者以示又不從賊怒拔刀環向刃欲下者數矣孝
子冒刃叩頭流血大呼丐命忽狂風四起大雨如注舟幾覆囚
渠震駭乃得釋賊黨皆歎曰眞孝子也孝子既奉父生還逆知
賊必追已也卽遣人馳報祖母盡室以行明日賊果追之不及
遂至九墩大索縱火而去懷江旣被重傷病日臻孝子亦改面
失音恐貽父憂雖嘔血弗以告日夜侍臥側以兩手摹患處懷
江歎曰人摹我痛痛在我身汝摹我痛痛如在汝身先是孝子

出繼時。懷江有女。忌分其貲。百計傾之。孝子處之泰然。至是奉母徐氏命。往雲間。舟過石門。盜擊之。垂死。盜曰。汝死毋我傷。我奉某命來也。孝子佯死。盜縛而投之水中。遇救得免。或勸訟之。官。孝子曰。吾自出繼以來。蒙吾母恩育。十有餘年。母止此一女。不忍以女故。傷母心。上書白母。自謝不謹。被盜不及其他。母大感悟。以康熙丙戌七月卒。年七十有四。妻李氏亦以賢孝稱。雍正二年。浙撫李公衛請旌於朝。詔發帑金建坊。入祀忠孝祠。漳浦蔡文勤公表其墓。

周孝子事略 潘德馨

周孝子上晉字康侯江蘇嘉定人生有至性母病久傾家療之
貲盡醫言惟得人乳可再生時家已罄無力雇乳媼孝子謀於
妻李氏卽棄其九月兒以乳乳母三月而母病痊問兒安在詭
以殤對自後妻不復妊無幾徵懷梅心越十二年有僧爲殷氏
子推命怪其生年月日與周氏兒同詰之則得諸道旁者也由
是兩家通往來父子復合而其母是時猶健在得還其孫人以
爲孝感所致

潘孝子者亦嘉定人名德馨字式周父曰文彬兄德輝長孝子
十餘歲嘗割股愈親疾孝子聞其事而善之幼習爲賈而好讀

孝經曰。我知所以事親矣。天性純摯。不忍離父母側。雍正四年。母氏程病。醫藥不效。乃禱於城隍神。願減己年。益母。遂割左肱肉和藥。以進。母夢神告曰。以汝子孝感。增汝壽一紀。病立愈。後果如夢中言。邑中競稱潘孝子。孝子居父喪時。以哭泣傷脅。咯血數年。乃止。兩目失明者數月。平生在三親前。怡色婉容。卽有所怒。見父母則轉爲喜。叱咤不及大罵。父母歿後。孝事祖母。至百齡。友愛繁第。篤行好施。與皆其精誠之所推也。

施孝子事略 楊嘉禎

施孝子聖揆。江西新喻人。十歲喪母。辟踊絕食。父慰諭之。得不減性。終喪。盡禮如成人。事父雖貧。必覓甘肥奉膳。視聽無形聲。父病。篤。顰天夜禱。叩頭流血。絕復甦。越日。父竟。瘞久之。父殯廬墓三年。有白鶴飛繞。悲鳴與哭聲相應。和又繪二親遺象。每食必薦出告反面。年至七十餘。事之如生。蓋終身孺慕云。雍正八年。詔旌其門。同時宜春楊孝子嘉禎。邑諸生。有學行。順治丙戌春。父文盛避兵山塘。兵將至。孝子從間道渡水。報父水湍急。被溺。流至深處。滅頂矣。猶躍出水面。曰。速走。速走。遂溺死。

劉孝子事略

劉孝子炳字耀南長洲人幼喪父事大父盡孝家貧資束修以養及歿鬻宅以葬母中年而殘孝子奉旨甘必腆出遇時果輒懷歸客至設草具對食而母常飫珍饌母嘗夏日犯腹疾思食野鷺索諸市不得孝子徬徨無措忽弋人持以至熟而進之疾遂愈嘗客華亭縣署未幾卽辭歸曰吾忍以升斗粟離漆下耶後以事滯鄰邑心痛急返則母病兩日矣日則蓬垢侍湯藥夜對北斗呼籲願以身代比歿慟絕復蘇旣葬日創創往墓哭三年如一日白母歿春秋祭祀輒涕泣過市上遇時果爲母素嗜者卽涕泣不能止忌辰悲號若初喪每獨居歎曰吾母苦節未

彰其何以爲子。乾隆五年得旌如制。是年孝子無疾卒。

任孝子事略 孔子裕德

任孝子遇亨字華字江蘇崑山人居千墩里生有至性努力
人國初澱湖盜錢大起四出擄掠爲害孝子負父逃避盜劫其
父去孝子呼天竟一夕至黎明忽奮躍持刀突入盜藪負父出
身被重創腸出腹旋遇神醫得不死乃扶父至嘉定羅店以老
時稱任孝子云從子裕德亦以孝行被旌

裕德字厚齋幼有至性篤於孝弟垂髫時其兄裕章失父意將
予大杖孝子號泣求解得免兄亦感悔焉有土惡某積怨於其
父乘間突持刃刺之孝子年十一急以身蔽父兩手直奪其刃
厲氣正辭曉以禍福惡亦感動擲刃去父患痢三冬弗痊孝子

書夜扶掖巾帶。廁廡皆躬澣濯之。冰肌裂膚。血淋漓弗恤也。父
歿。哀毀骨立。三年如一日。事母能色養。病劇。孝子額天禱。願以
身代。母病尋瘳。兄老無藉。凡養生送死。皆躬自任之。又析已產
畀其子。與己子均。乾隆十九年。巡撫莊公有恭題旌得旨。
建孝子坊。入祀縣學忠孝祠。

劉孝子事略

劉孝子鑑字兼萬江西豐城人三歲失怙母鄒氏年十八矢志撫孤事姑余氏極勞瘁孝子稍長卽能盡孝養祖母卒孝子廬墓三年遇雷雨輒踞墓前曰鑑在此毋怖有古孝子風父棺厝象鼻山乾隆壬戌山水暴發壞廬舍孝子夜半馳救棺已漂泛孝子抱棺順流數十里至白馬寨觸筏乃止孝子躬耕養母母久臥病思鮮魚孝子踏雪遠求之歸遇虎人立而啼孝子叱之曰爾食我母將不食魚耶虎搖尾去鄰火將及母寢孝子自外歸笑烈燄中以重衣負母出得亡恙而孝子頭面焦灼幾斃其瘡可數也母彌留日以廬墓爲戒孝子枕塊三年泣不輟懸兩

世像於堂。出告反面。享祀皆盡誠。乾隆己巳爲母請旌。得旨建坊。待遺腹弟思銘。極友愛。教之成立。爲邑諸生。性仁惠。凡母所憐恤者。竭力濟之。丙戌以孝子被旌。拜命日。尙爲孺子泣云。

曹孝子事略

曹孝子名起鳳字士元先世自徽州遷崑山父子交賈於蜀歲
寄金錢歸俄而耗絕孝子年十六矣有蜀客來問之曰噫死矣
問死何地弗知也孝子大慟絕而蘇將往求其骨貧不能行長
洲潘爲緝義士也贈孝子百金將行其叔父尼之願自往金盡
忽所獲而歸孝子既壯每念父輒憤痛欲絕潘君復贈金四十
兩遂行道河南歷陝西走成都南抵滇界西達金川書牒於青
逢人輒哭訴無知者逾年反成都薦於諸葛武侯廟神示所向
遂東行道險踵血流失道七日無人蹤及酉陽積雪盈尺不能
前路士穴中兩日有項生許生過之聽羣鴉繞穴鳴卽之見僵

尸焉而氣微。屬視背。牒。咤曰。孝子。孝子。掖之歸。飲以湯。問故。止。孝子宿進酒肉。弗食。曰。誓不見父棺。不食此矣。其夕夢經荒原。一老父與數人坐林下。見孝子至。拍手笑曰。月邊古蕉中鹿。兩壬申可食肉。覺而識之。一日隨兩生出行。過荒原。如夢所見。白楊下有棺。纍纍然。孝子心動。泣不止。兩生問故。語之夢。兩生曰。有徵人胡某者。居此久。盍往問之。胡沈思良久曰。隱信頗記。十年前鄉人曹氏客死。殯於是。以所遺牙牌納棺中。其殆是乎。然非白之官莫驗也。遂出巡檢白知州。飭里長察驗。棺皆有主名。而其一獨無。啟棺見骨。孝子漉血驗之。沒骨。棺有牙牌。文曰。蕉鹿。孝子大號曰。是矣。月邊古胡也。蕉中鹿牌也。何疑焉。遂收骨。

行時乾隆十四年也。項生許生爲設祭。祭畢以餒肉食。孝子曰：向子不食肉者。未見父棺也。今則既見矣。憶與子遇穴中。日在壬申。今六十有一日。而又值壬申。夢悉驗矣。豈非天哉？孝子再拜謝。兩生交餽之贐。乃負骨歸。道湖南。過洞庭。風作。兩日不得度。同舟者疑之。且大索。孝子恐禱於洞庭君。明日風止。遂得度。既歸。其後母見牙牌而哭曰：嗟乎！此我鎖匙牌也。爾父出門時取鎖及牌去。不見此二十餘年矣。復取棺以殮。而納牙牌焉。孝子性鯁直。謹取與治家有法度。既老。月必再三詣冢上。灌所植樹。表哀久之。然後去。四十九年卒。年七十有二。子五人。

國朝先正事略卷五十九 孝義

平江李元度次青纂

汪孝子事略 汪一崧 王品璋

汪孝子一元字兆初江都人縣學生父良澤病孝子方省試出
第一場聞之不反次疾行窮晝夜數百里歸視父父已卒大慟
咯血家貧躬畚土起墳力竭矣明年又遭母喬喪遂以毀卒年
四十有二孝子之毀也號天地而不歸通幽間而一視仁孝達
於性初禮經其後起者已孝子既歿妻鄒氏頻攜荷菟教成其
子中鬱爲通儒卽容甫先生也孫喜孫亦有學行記曰毀不滅
身爲無後也聖教之愛人也汪氏死孝後乃克昌天心之祐善

可知矣。孝子通算學。嘗以今法逆推朔閏中節。至乾隆十四年四月止焉。孝子竟以是月卒。莫所謂通於神明者歟。從兄一崧年十七。剔肱肉起母潘危疾。道光初同時被旌坊其鄉。稱汪氏二孝子。

又王孝子品璋。海昌人。家貧。服賈於吳門。道光十二年。聞母病。徒步歸。侍湯藥。惟謹。越七日。母歿。庀喪具。晝夜長號。旬日骨立。旁觀者憂之。而孝子不覺也。孝子蒲伏如侍母。側夢魂如與母言。明年春正月八日夜。將半呼家人言曰。吾將奉母往矣。問何往。曰。歸位。逾時卒。距母喪未百日也。年四十五。兄某傳其事。

張孝子事略

蔡應泰

楊璞

劉芳

乾隆二十六年秋伊洛水溢破外堤。漚偃師城。洶洶有聲。民皆避水。牽星樓上。張孝子者名大觀。奉母亦登焉。無何水撼急。樓傾。眾皆溺。孝子左手爲石柱所戕。臂及腕皆折。血漂波赤。不斷如縷。不顧入奔。濤求母。有孫號救。孝子叱之去。望母。髻露水中。得之。負出水。有大樹橫偃。嚮口。孝子曳其斷手。獨以右手舉母。騎樹枝上。復泗而覓食。食。母撫其斷手泣。佯慰母曰。兒手雖折。幸不創。母自愛。母憂水退。負母歸家。猶屏當衣食。是夕創重。竟死。

蔡孝子應泰。縣人也。母柩在堂。水且至。以繩縛母柩。旋繞數十

市令固束兩人帶爲纆。水至。妻子號救。不應。跪負母柩。轉洪濤中。柩與手若兩翼。飛瞬息八十里。抵鞏縣神堤。灘神堤灘者北邙山尾也。山橫洛口。過黃河。衝河漲。倒灌洛流。深潤灘上。柩忽爲沙擁。村民異之。以長鉤引至岸。舁之上。孝子亦無恙。天將暮。聞鄰村喧救。兩人趨視。則其妻若子也。眾嗟歎曰。神感也。釀錢送之歸。

楊孝子璞。亦僮師人。莊農也。與其弟某奉母居。弟饒於財。孝子貧且懦。水至。弟以筏載其妻。逃北山。母呼之。不應。竟去。孝子怒。棄其妻。子襁母於背。將浮水。趨北窯。水勢奔驟。若有挈之者。旋躍大壩。中山上人望之。如龍。龍漫漶不沈。亦抵神堤。灘村民救。

之登岸。頃之有婦人抱子漂而下。母遙望。忽號曰。吾婦與孫也。救之。果然翼日歸。而其弟乘桴將抵北山下。大樹崩。壓筏。夫婦俱溺死。先是村民夜聞空中神語。明日當速救孝子。母民驚起。各具舟及長竿巨絙。以俟。以是得俱生。母壽九十餘。無疾終。康熙己巳。洛水溢。有劉孝子芳者。永甯人也。父爲工。浪所漂。疾流如矢。孝子追哭。里許。躍入水。援之。父恍惚聞人語云。急抱吾馬足可渡。父如其言。比達洲。則所抱者孝子。胫也。父子俱獲免。知縣佟賦偉嘉之。率鄉民環拜其廬。表曰。孝子村。具牒大府。采其事入通志。事在三孝子前。

常孝子事略

史印會

孝子姓常名裕綸。山西徐溝人。生四歲。孤家。故織布。無游藝。母戴氏。鍼衽以俱食。孝子侍側。愉愉然不刻離。既長。以武舉授鎮海衛千總。督漕者多風波危。以故勿克迎養。乾隆二十八年。孝子畢官事還鎮。人見孝子。連日喜色。溢眉宇。異常時。謂之乃其母已來也。未一載。母卒。孝子雞斯徒跣。不納勺飲。將大殮。攀棺號阿母不止。聲盡。血湧。腸裂。而卒。距母亡。葬三日。年五十有一。論者謂禮稱毀不危身。又曰五十不毀。然皋魚立哭而死。孔子與之。孝子年五十矣。豈不知留其身以慰母於地下哉。乃情極而禮忘焉。非得已也。同時有史孝子印會。字綬紫。懷陽人。父

汝杰官潞安同知。孝子幼隨任。事父及母。謝氏甚謹。父解官歸。母病。孝子奉湯藥。衣不解帶者累月。骨柴立如枯腊。母歿。呼搶不欲生。長號擗踊。嘔血數升而死。

范孝子事略 朱有合

范孝子仲光。湖南桂陽人。農家子也。天性過人。其父母命之學。年十八。父邁危疾。醫禱窮。潛封兩肱。家莫知。見其慘黯。無人色。竊危之。父竟死。孝子宛轉泣。誓神支離不自克。如欲無生者。其母恩失。孝子踰兩月。召其同學者數輩。強掖之館所。孝子重戚母。忍涕習所業。手掣縮。艱上下。人靜輒絮泣。其曹疑之。陽與語。持而稱其臂。則左右各去肉倍寸。藉如握。孝子哭。其曹皆哭。人始知孝子割肱也。免喪。試補弟子員。舉一子終以毀。故病咳血。年二十五遽歿。妻何氏爲孝子守義。撫孤克有立。

同時朱孝子有合。亦桂陽人。居井頭。宋孝女明旌靖一姑故宅。

也。姑幼遭家難。爲貞女。撫周歲族弟雲伯。後其父母苦汲掘宅隙得泉。因井之後坊其井曰義井。宅其宅曰井頭。云孝子爲雲伯十六世孫。父元載母范氏。有兄三人。年十四封股。愈母病。二十喪父。以艱食與其叔分耕營內。母從伯仲居井頭。井頭去營內六里。而近孝子。且耕且奉母。宵必定。母寢僕僕道途。應晷刻終母之身。弗衰。母卒年七十有八。孝子免喪後。視瞿瞿。恆中夜涕泣。晚起家。倍愴咽。痛其父弗逮也。孝子妻胡氏。弗戒於火。面焦爛。胡盛年尙無子。或勸納妾。泣然曰。是與吾共事吾母者。忍負諸。後胡爲孝子舉四男。相孝子昌其家。孝子以居遠伯仲。艱數見。見必極歡。別慘淚如嬰孩。然孝子款樸無緣飾。見人語煦。

煦人易之。聞其事則肅然起敬。嘉慶丙子丁丑間。修邑志。僉謂孝子宜有述。孝子斷斷執不可。涕盈眶。當是時。孝子老矣。習孝子者。重傷孝子志事。乃已。孝子壽七十有七而終。妻後孝子十三年卒。孝子身後。族春秋祭其先。自靖一姑上下咸頌。孝子長生。胙永世勿替。

奚孝子事略

奚孝子名緝營字聖輝江蘇寶山人父士本字秀林以孝行
旌門自其未旌之先鄉里無不知有奚孝子者秀林歿而聖輝
又以孝聞鄉里稱奚孝子與昔無異也孝子幼入塾從師講論
語至父母之年不可不知輒綬綬隕涕師大奇之曰非是父不
生是子成童時母沈邁疾醫云難治孝子潛割臂肉作湯以進
母果瘳踰數年母病革夜偕妻朱氏向北斗稽顙乞減算以代
母既歿孝子常宿父所秀林年七十餘冬月惡寒孝子夜抱父
足達旦父歿後或勸以入粟求仕則曰吾父以貧廢學布衣終
其身吾敢納粟希冠帶乎兩弟早卒撫遺孤如所生女兄嫁某

氏貧不能自存。同室妹適某氏。早寡。皆依孝子。以活。分宅居之。而婚嫁其子女。皆承秀林之志也。其它創義學。平糶。施棺。多可紀者。子增慶能亢其宗。寶山令李君元魯。田君聯芳。皆題額贈之。而錢詹事大昕爲作傳。以比南史。曾稽郭世通父子云。

鄧孝子事略

鄧孝子觀。潯江西萍鄉人。幼有至性。隨父梅安宦京師。受詩。至
蓼莪。輒廢書泣。人異之。稍長。隨父監司中州。職防河。孝子聞河
務。輒能得其要領。父遷四川按察使。坐巡鹽舊案被逮。籍沒論
死。賴

上恩矜緩。繫刑部獄三載。孝子隻身左右之。會族兄某至。孝子
謀丐貸納贖。父慮其無濟也。清督楊勣怒公。訟孝子父官吏部。
時甚清介。不至以貪敗。爲孝子謀者屢矣。乃徧走齊鄭燕楚。嘗
夜墮叢莽中。狐鬼嗥嘯相逼。一僕劉章阻勿行。弗顧。遇獵火出。
焉。開闕入都。訴於步軍統領果毅阿公。公叱曰。爾擅入禁地。不

畏死耶。命繫脂室孝子。度父無生理。誓身殉。哭晝夜不絕聲。一
武弁守之。聞哭。詢其故。義而釋之。他日復伺。閒訴於忠勇傅公。
及阿公馬前。傅公語阿公曰。孺子冒死救親。可憫也。宜上請。阿
公亦惻然。二公取其辭入奏。得旨。鄧某情可原。準贖。傅公遣
飛騎爲孝子賀。蓋深重之也。納鍰入。父獲免。先是母卒於家。迨
見父始得知。奉父生還。畢母葬。越二年。父旅殯南陽。復匍匐歸。
其喪哀感行路。其慘瘁備嘗如此。他行誼皆甚摯。而孝尤篤遠。
近稱鄧孝子云。

潘孝子事略

潘孝子名瑁。錢唐潘隆子也。隆妻丁氏生女珠姑。久之乃生孝子。故先有養子於家。隆嘗之海甯。養子耽飲不戒於火。倉卒中。丁氏挈一篋。令孝子負之先行。孝子及門。回視失母。委篋復入。適家人自火出。望見孝子。遙止之。曰。後垣不可穴。主母已不救矣。但聞孝子言。母若不保。我何以生爲。竟冒火入。從母及珠姑死。初。家人在火中。見主母爲煙燄所阻。欲掖珠姑行。珠姑揮之曰。汝男子。何可拉我。我惟有從我母死耳。於是珠姑亦死。火熄。撥灰燼。孝子與母妹三尸。相環結。雖燬猶隱隱可辨識。時乾隆四十四年十二月望日也。孝子年裁十五。性穎異。素有奇童之

目其殉親與明孝童郭金科事相類。珠姑早適范以賢孝聞。時歸甯。遂及於難。孝子死後。其聘妻王氏同邑人。世居江干。長孝子二歲。聞訃。未婚守志。送孝子葬畢。卽歸。潘氏懼葬地隘。後將不能同穴。跪請於舅曰。翁如拓數弓地。婦死有依矣。從之。事舅以孝聞。撫嗣子克延其祀。

龐孝子事略

長洲虎邱山塘有龐孝子者。名佑。字申甫。早喪母。與父同寢。晨夕依依相憐也。以是終身不再娶。父年六十餘。病蠱。便溺閉。隆醫治莫能效。左右愕視。計無出。孝子私跪中庭默禱。三晝夜。忽水道通。患頓釋。親黨交慶。謂必有陰相。孝子者。既乃稍稍聞知。實孝子吮師所致云。又八年父卒。哭踊盡哀。不處內。偕昆弟經營窀穸。無失禮。既葬。父家事一稟兄命。不析產。弟卒。撫其孤。孤亡。又撫。髮穉。四人教養成立。償兄逋負。以千計。義戚屬中之不克葬者。推解周急。承父志。一如親在時。性嚴介。不苟取與。有賣珠姬過孝子家。遺金珠一篋。姬歸。暴病死。物主向姬家索金珠。

不得訟之官。責鬻產以償孝子。跡知之。還其篋。封識宛然。訟得解。謝以金。不受。里人嘖嘖稱道之。

國朝先正事略卷六十

孝義

平江李元度次青集

湯孝子事略

湯孝子名淵字潤泉常熟唐墅鎮人八歲失怙家窶甚無由入
塾母茅氏紡織度日君見輒淚下少長業負販供菽水勵母
暫休母曰休不且餓死耶君大慟益竭蹶紆母勸會客至母擊
茗繞立屏背呼遷出君惶恐跪地受自傷貧不能具僕婢痛自
責幾無所容年垂三十始娶袁氏逾年生一子而妻遽亡或譏
使繼室孝子曰吾已有子何忍分養母之力以養婦竟以終
母歿柴毀骨立哀號動路人其後家稍裕然嚴冬風雪覆被衾

不肯。謂曰：吾親昔無之，吾故求。溫年五十有八，卒。先期命市棺，仍視殯。母之喪，雖力足辦，勿增也。生平事兄若父，同居至老。侍杖履尤恪，嘗助宗黨之艱葬者，每過窮，量賜之。然深自晦迹，目不識字，而拾道旁遺字最勤。其天性然也。子若孫並循謹，守家風。許進士朝，何明經忠相皆爲作傳，而朱侍講珥誌其墓。

黃孝子事略

黃孝子古愚名則有湖南邵陽人生四歲喪母家故貧母孫氏
劬苦撫育稍長造就外傳人或諷以儒冠多誤莫能濟飢寒母
曰吾忍死不欲吾兒廢學正冀其能濟吾窮耳言已淚雨落孝
子聞之大痛奮於學所詣日益進試輒屈其曹偶逾冠授徒里
中資修脯養母然以戀母故終其身所館不出二十里外館中
奉膳稍豐即終席不下箸夏無帳主人以進命撤之曰吾母無
此頑難甘受蚊咬弗忍蔽也值嚴寒父製棉衣進因御之或責
以矯廉則泣曰家貧無以煖母乃忍享此奇溫耶聞者大感動
當事纂修寶慶府志招孝子與楊孝廉大灝入志館兩人居同

室一夕風大作雪盈尺許已就枕矣忽披衣起視室長吁傷君
問故答曰思吾老母耳卽夕冒雪馳二十里歸旣抵家母大喜
曰吾思兒正切也是時母年近九十孝子齒亦逾六十矣有司
上其狀請旌得旨俞允而孝子母苦節團吏先已稟奏於是
節母孝子同被旌命下日邦人咨嗟歎有泣者無何
節母歿孝子亦繼逝蓋以毀終也孝子性好吟幼讀宋人詩銳
志學之每一詩成狂跳疾呼索人朗誦人或竊笑其旁弗省也
貌蒼古類深山老衲所遭極窮惡而自守益堅不少貶又喜施
與在志局三年嘗節薪水資購絮衣棉被貽其戚族之羸者子
紹賢亦能詩早卒有九品遺藁附孝子詩集後

胡孝子事略

蕭周氏

胡孝子名其愛。安徽桐城人。生不識詩書。傭力以養母。母陳氏。中歲遊。羸癯之疾。長臥牀褥。孝子常左右之。自臥起。至飲食。溺。便。皆躬自扶抱。一身而百役。靡不爲也。家無升斗儲。每晨起。爲母盥沐烹飪。進朝饌。乃敢出傭。其傭地稍遠。不及炊。則出勺米。付鄰媼。而叩首以祈其代爨。媼辭叩則行。數里外。逢致其拜焉。夜必歸。歸則取母巾帨自浣滌。孝子衣履皆垢敝。而時致肥鮮。供母出傭。遇肉食。卽不食。而請歸以適母。同列見其然。多分餉之。輒不受。平生無所取於人。有與之者。必報。村鄰有伶優之劇。孝子必負母出觀。爲藉草安坐。候至夜分。人散。乃復負而還。母

欲往宗親里鄰家亦如之孝子以貧故遂不娶養母終其身母病三十年奉之如一日也乾隆二十七年母卒負土成墳卽塋旁掛片席以居明年以毀卒

同時潘孝子周岱涇縣茂林都人家貧世業竹工孝子幼隨父執藝叩身先煩滯而遺父以易且還者在家侍養殯必父母食然後食工餘兼力農晝夜弗懈歲卽歉奉甘旨外俾弟食踰於已而自率妻子咽糟糠父創足不良於行每出備孝子負而往返積有年父老罷廢獨赴工遇酒肉時蔬則懷歸煇溫以進父母疾左右侍養無須臾離滯農澤滌厠廬恆憂慙涕泣母家銅山山下泉清冽殊常品母病篤夜半思飲孝子急挈瓶而奔鄉

時已返。蓋四十餘里矣。居喪旦暮悲號。行路皆隨淚。先後諸名三年。墓舍枕林麓。有巨蛇憩苔塊旁。不爲備。當盛夏。蚊蠅交。嚼未嘗遮。揮扇。臥。除服夕。必至墓所。蕪香。燃燈。雨雪。罔問者。二十餘年。終其身。如一日。偶他適。預語其妻。加冥鏹。以奠妻吳氏。亦戒戒無違命。平時立木主於室。供具如生存。將出。彌蚤起。獻湯茗畢。乃行。歸復如之。伏臘祭祀。依依孺慕。或失聲。貌樸誠。臨事纖毫無所苟。道光元年。以孝子被旌。

高孝子事略

高孝子啟煥浙江山陰人性仁孝授室後猶常臥親側母患背疽醫不治孝子泣吮之數日愈又念母肢體傷痛乃傳藥於手朝夕按摩數年乃得痊而孝子雙目爲藥氣薰灸遂瞽更三載竟復明居親喪終制不近內慟輦祖父墓在村畔金鷄山日一往視風雨無稍閒兩弟幼孤藉以成立終身共爨從兄某卒濟南倉大使孝子歸其骨爲娶子婦延嗣凡族子貧者皆賴以長室初胡某貸百金既還資應主簿孝子偶過之胡欲以重息貸金以償孝子乃焚券去郡大饑孝子盡出所儲粟以賑不給者衣鉢又不給乃變產以濟所全活亡算平居施棺藥以爲常蓋

錫類之仁也。有司請旌其門。舉鄉飲大賓。人皆稱高孝子而不名。卒年六十有八。後昆振振然爲浙東華族云。

朱孝子事略

青浦朱孝子名修來字懷遠號愛林居邑之金澤鎮父紹辰早
世母郭氏守志撫孤家貧甚孝子八歲入塾旦起先撿野薺蘆
筍和飯粥食之以爲常聞師講孝經至謹身節用以養父母卽
終身誦述不衰自塾歸母授一錢俾易餅餌代午餐仍剖半遺
母或無錢則忍飢讀越二年母患鼻衄頗劇醫言淪蘆根飲可
愈孝子急向鎮東白蕩灘掘之得數幹方嚴寒冰滑失足墮風
浪中飄泊雖數刻幾死遇救蘇裹敗絮送歸微息僅存猶堅握
蘆根不釋煇湯沃濯手血漉漉殷盆中盡冰稜所刺也亡何值
歲祲谷艱食遂傭負舛受值備養殯每日過市必糴升米挈水

二三被乃行雞風雨必再省視見母無恙則喜稍違豫卽憂形於色夜俟母睡熟始安枕成時有魚肉鮓養餌攜歸獻母弗敢私顧母性嚴正炊烟卽不繼毋許稱貸若奉命惟謹在肆力作倍勤無纖毫苟他人有債則解惟主者於常值外例勞酒資日貲錢五盡投敝篋中嘗痛母節未顯背若負芒貲爲異日請旌地累積餘四十年竟獲顯有司請諸朝建坊如例時母已前卒以未獲親睹爲憾輒嗚咽流涕營生壙依父母塋側謂生不能養死得侍晨昏也生平動循禮法孺慕終身遠近稱孝無間言孫德基曾孫啟華皆爲名諸生道光丁亥學使辛侍郎從益按部爲給額表其閭

吳孝義事略 蕭良昌

吳孝義名紹先字伯宗山西陵山人少讀書略解文義十六歲
父母皆亡有二弟季年十一與從兄偶出遂絕蹤又數年仲以
博塞失負逃伯宗負販以逐之南出襄洛西歷劍州東至黑龍
江積十有六年卒同時而得之初遇季於京師爲高氏僕高感
其義許之歸時已微聞仲在甯古塔乃遣季而自往求仲且與
季別曰吾得仲則偕返否則併吾之妻子屬弟矣舊都郊關出
入有禁限伯宗率以計達至則仲果在甯古塔豪家以情請乃
冒公人入軍府訟軍吏庇豪欲威懾伯宗以應對失儀唾其面
血淋漓伯宗辭愈強直且言還京將德園吏懼卒白大帥持其

弟以歸時仲冬。沍寒夜經大隊。行者皆墜。指伯宗與弟相推挽。顧而曰。此中人未有如吾樂者也。比入塞。爪甲脫爛。無存者。至京師。待季偕行。知其事者。爭傳說。公卿間相國陳文貞公贈詩七十韻。李文貞公爲書事。多就而體貌之。伯宗赧然大無以自容。衣敝履穿。或贈遺終不受。有與同寓舍者。聞其哭失聲。就視之。則讀論語父母之年章也。伯宗事在康熙三十年。後六十年有湖南蕭孝義事。

蕭君名良昌。邵陽人。生有至性。事兩親至孝。兄弟四君。其季也。析居最早。已伯仲。歿各遺一子。叔兄僅一子。忽攜之遠出。不知所之。方是時。家貧甚。諸孤荒荒。無所衣食。君恆憂之。地固產漆。

居民以所產買之他省。君少習是業，稍獲利。或勸之娶。君泣曰：「吾兩兄死，遺孤無以自存。吾忍遽言娶耶？」乃悉召諸子，復同產。卒之，買荆襄閒。其後家漸裕，乃始娶婦。是時父健在，事之最謹。能先意承志。嘗除夕，家人團宴，父舉觴屬君曰：「兒能撫存孤姪，吾心滋慰。」願安得汝叔兄父子一見爲慳。石跪白曰：「兒誓往覓。」朔正四日，遽束裝。子身出時，兄音問久梗。或傳其在滇。君至滇，歷訪數郡，縣無所值。凡隣家六閱月，徒步萬餘里，貫將盡矣。窮途哭泣，目盡厓見者咸嗟歎不已。一日，薄暮抵村塾，塾師朱翁亦邵人，告以故。朱翁止之宿，且爲筮之。曰：「賀君明日卽相見矣。」君大喜。其夕復夢兩舟相磨，要自以爲兄弟相遇之兆。蓋復大

吾鵠初鳴卽別朱翁行天明至一村。落遇有曉汲者熟視卽其兄子也。君見兄相持大哭。亟偕歸與同居。父心大慰。復舉鵠屬君曰。兒真孝子。吾死且瞑目矣。君勤苦成家育諸子如已子。家門嚴肅。婦女絕口不敢言析居事。年八十有餘卒。卒之前歲始爲諸子析產。厚予兄子田宅。而令已子少受。諸子固辭。則曰。若曹佐我成家甚劬苦。吾子勞逸旣殊。受產可無別耶。卒令少受。兩子亦怡然從之。

李孝義事略 黃成富 陳福 譚鈞

李君長茂字齡侯福建海澄人四世同居男女千指共爨而食無閒言建大小宗祠置蒸嘗田以奉祭祀著家規十法十戒以示子孫立義學以訓族人之貧不能延師者每歲必捐居積以助族人之不能婚娶者子五福順治己丑進士官刑部侍郎兄弟八人備極友愛暇輒以詩歌吟諷相勸誡人以爲有江州陳氏風時有黃君成富者連江農家子也六世同居男女六十餘口雍睦無閒子弟各執其業每出作田閒眾婦俱往畱一婦視衆臥兒於筐飢則乳之不問其爲誰兒也懸衣於桁出則脫之入則衣之垢則澣之不問其誰衣也遇客至供具飲食家長主

之家中不聞一言又永春陳福者世居西溪以耕讀爲業兄弟同居至福已十二世家建二堂以別男女飲食家範整肅儉儉世立一人督家政婚娶葬祭量力辦治子孫世守醇樸未嘗一至有司之庭地方吏禮獎並免其徭役焉

譙君名衿湖南沅江人邑諸生自明正德時至衿凡七世同居積二百餘年喪祭無失禮親支百十九人衿以祖命主家政每食男女異席終事無譁會鄰家火起衿兄弟先入祠堂抱神主避火火隨息家蓄耕牛每出入亦以齒先後在牧地行列不亂作家訓二十條子孫咸遵守之嘉正十年詔旌其門御書世篤仁風額賜之

吳孝義事略

吳君鴻錫字允康福建晉江人生七歲而海寇亂父萬佑避兵
浙江適兵部郎中滿洲噶尼希奉命來造戰艦延萬佑於幕
未幾卒噶公挈君歸京師將子之君請呼以伯曰父一而已噶
公大奇之曰七歲兒能辨此耶噶公清臣家漸困君稍長助任
蜀牧精勤勇猛錫恆有餘市書冊弓矢私習之又市酒果就能
者賁焉數年遂通滿漢文精騎射會噶公校射方怒拙射者君
徐進三發皆中噶公益奇之康熙癸亥從兄雲麟以平臺擢功
授參將引見入都因就噶公乞君歸噶喜遽諾之君泣曰我
未可以歸也我七歲育於公今我壯而公老矣三公子皆成立

我乃可歸耳。噶公聞言持君大慟。遂不果行。鎮國公海清。噶公
壻也。高其義。遂隸公府佐領。俾久居旗下。以成君志。明年。噶公
卒。夫人以哀毀得狂。易疾。長子和順甫七歲。次和鼎六歲。和麟
五歲。君獨力治喪事。盡禮。然。噶公新喪。諸族豪悍。僕耽耽欲
食其家。君信行素孚。又材且武。諭以義。歸以威。眾莫敢侮家。故
不及中人。君精心計。權子母業。日以饒。延良師。課噶公三子。食
飲必親饋。業稍進。則頓首謝師。感之益盡力。又親教三子。國書
稍長。並爲娶名族女。君尤謹於禮。冠帶終日。司柩以婦人。歲時
慶祝。君盛衣冠。率家人入執事。事畢。親率以出。內外肅然。和順
年十六。有忌之者。擢爲護軍。將困苦之。每番直。君佩刀從。直夜。

則露坐終夕。人莫敢加害。顧念非通仕籍。末由免役。而噶公故交惟大學士阿蘭泰。公稱長者。可以義動。乃率三子曰。候公門外。公得其情。果惻然。問諸子習國書乎。曰皆習。孰最優。曰和順。阿公許以中書用。旣而首輔索額圖欲用其族子。君卽爲書言和順孤苦狀。伺索公出。跪上之。索大怒。擲書去。君隄其門。五晝夜。水漿不入於口。因垂哭。索大驚。撫之曰。世乃有義烈如子者乎。吾用順矣。就試。果得中書。乙亥。

聖祖親征厄魯特。君謂順曰。國家有事。正臣子效命之秋。亦子發跡地也。遂治裝從征。隨大將軍費襄壯公由西路進。君結末從行。數日。家中宵小攘攷遽起。急使人追君還。君泣謂順曰。

吾不得偕行矣。雖然戰陣無勇，非孝也。子必勉之。怒馬抵家，宵小亡匿，訖無事而順亦立功，擢禮部主事。有約順會飲者，以博具佐醵。政君知其匪人也，拔刀衝座執其人，將殺之。刀觸席，涇然其人叩頭乞命，使梓而去。引順歸，或問人可殺乎？君正色曰：殺人不過死耳。吾已許醵，公撫諸孤而坐視其禍於燕朋，誠生不如死。吾死而諸孤知勉，則死賢於生矣。順自是不復與燕會。癸未山東大饑，詔遣官往賑。和順在行，君曰：此仁人君子盡心時也。從以往，分賑武城。廩未發，君預以私錢市米，因遂戶積冊，先量給之。念民居有僻遠，不能至縣者，度四鄉適中地，得南魯集爲散賑所。又懼民飢久不勝任，負日爲蒸餅萬計，人給其

二然飢腸驅飽有致斃者或言先飲蘿蔔湯則無害亟具湯日
沾民無算武城十萬家得實惠皇仁者君佐順力也事竣歸
縣人泣送者數千有送至京者順奉命收密雲關稅君曰負
販小民不可取其稅儻額不及以家財足之可也民大悅競趨
之額亦無歉和鼎習舉業遇鄉試君述先德勸課恒涕泗交頤
猶懼其怠也穴其几貫鐵索自繫以守之雖驚謝請脫繫不許
譖益力遂中式鼎弟和麟年十六卽攜赴永定河效力河故名
無定水怒土疏潰壞無常君爲親督耆揭隄成而水驟服君晝
夜守視增卑培薄直隸巡撫于清端公夜出視隄遙見有拜於
隄泣鰥河神者召詢之則君也于公歎異脫襲衣贈之是歲隄

壞者多麟所占獨不壞敘功補筆帖式累遷刑部郎中比君卒
三子去纓席地婦皆披髮去璫如居父母喪葬之日皆徒步扶
匶至塋哀毀過節蓋君所以感之者深矣初君以塋公有已恩
矢扶其孤不得歸卽京受室念父母邱墓南望輒隕涕追寫父
母像遇忌辰及歲時伏臘率妻子哭奠竟日檢篋得父遺衣冠
就塋公墓相近地招魂葬之每歲除設奠終夕徘徊兩墓間或
勸之歸曰吾幼孤不逮養義不當受家人之養也生平善治生
而自奉齋受人之施一飯必報其施於人者雖千金不言惠也
歿之日取朋友稱貸約盡焚之持躬嚴整見者皆敬憚存武城
賑荒時有舊家子落魄工諧媚屢進謁和順談笑傾其座人惟

君在則汗流氣塞終席不能出一語其幾於寬而栗者與君卒於康熙己丑年五十有八子世久官親軍校常德丁未進士官郎中君卒後安溪李侍講清植爲之傳私謚孝義先生而瀘川李侍郎紱表其墓